



For Immediate Release

Dibamaadiwin agii Minwaamjigaadeg gewe agaa Zhaabshkaajig owi Gichi Gimaa Anishinaabe Gabe Giizhig Gikono Amaadiwiigwaaman miinwaa Gichi Gimaa Gabe Giizhig Gikino Amaadiwiigwaaman.

Manoominike Giizis 19th, 2019 - Kitchi Kiing Debaaknige Gamig agii mina waamdaanaa-aa miziwe kamig maamowi-yaang waajii-ejig dikonigewin dibamaadiwin awii dibamaagaaziwaad gewe agaa zhaabwiiig newen maanaajigdodamowinn agaa wiisgikaagiwaad epiichi zhaawaad odi Gichi Gimaa Anishinaabe Gabe Giizhig Gikono Amaadiwiigwaaman miinwaa Gichi Gimaa Gabe Giizhig Gikino Amaadiwiigwaaman. Owii Giizhiikigaade Dibamaadiwin digosin banaajitaasowin dibagewin gewe E' miigsejig Agaa Zhaabwiiig Maamowi Yaang Waajii'ejig zhisin onji \$10,000 apiinish \$200,000 dibaamijigaadeg agaa piitaag maanaaiidoodamowin agaa wiisgikaagwaad miinwaa age Ondiziwin Zhoonyaa \$200,000,000 (CDN) awii aasgaabwitamowaad makwenjigewin nankiwin, mina-yaawin miinwaa mina zhayaa nawinnkiwin, miinwaa iniwewin miinwaa inaadiziwin maajiiish'kaachigewinan.

Agaa zhaabwiiig ada gshkitonaa-aa awii gagwedwewaad banaajitaasowin dibagewin. Adash wiigwa, banaajitaasowin dibagewin gaawii ada miigwesiim baamaapii shkwa maajitaachigaadeg giizhigag. Gagwedwewin owi banaajitaasowin dibagewin ada maajitaamigad awii bamiikigaadeg owi dibamaadiwin 120 giizhigag onji Manoominike Giizis 19th, 2019, dibaamijigaadeg gego aanwenjigewinan e'biijigaadeg. Woshme gikendamowin ada temgag eni bamiseg daso anama e'giizhigag.

Gagwedwewin moshkinebigan temgad awii aanji gnowaabmjigaadeg odi Anishinaabe Gabe Giizhig Gikino Amaadiwiigwaam Waasamo Asabi Maziniganing maage ginonind Maamowi Yaang Giigidonini. Maamowi Yaang Waajii-ejig ada yaanaa-aa niizho biboon shi aabita awii moshkinebiimowaad owi Gagwedwewin Moshkinebiigan. Awii miigsewin owi banaajitaasowin dibagewin, agaa Zhaabwiiig Maamowi Yaang Waajii-ejig aabdeg adaagii zhaawog bezhig owi agaa waawiiingagaadeg Gabe Giizhi Gikino Amaadiwiigwaman e'zhibiigaadegin zhiwe Bakebiigan K. Woshme gikendamowin owi Gagwedwewin Zhichigewin miinwaa Bakebiigan K adaa makigaade odi waasamo asabi maziniganing odi <http://www.indiandayschools.com/en/>.

Nongo giizhigag maajitaamigag, Maamowi Yaang Waajii'ejig daa-aanaa-aa 90 giizhigag awii zaagiji biiwidiziwaad zhiwe Giizhiikigaadeg Dibamaadiwinin bimindiziwaad owi Maamowi Yaang. Zaagiji Biiwidiziyin aawan gechiwiiwang miinwaa gagige giizhendamowin. **Gewe e'wenaamdamiwaad awii zaagiji biiwidiziwaad owi Giizhiikigaadeg Dibamaadiwin gaawii gego ada debnaziinaa-aa banaajitaasowin dibagewin abi njibaamigag zhiwe Giizhiikigaadeg Dibamaadiwin dash wiigwa adaa majignaanaa-aa dibiniweziwin awii biidowaad njike gagwedwewin owa Gaanada wiinwaa dibagewaad newen onji maanaajidodamowinan agaa wiisgikaagiwaad, giishpin dowendamowaad. Wegwen agwa iidik e'wenaamidang awii zaagiji biiwidizid aabdeg ada moshkinebii-aan miinwaa ada niindaawen owi [Zaagiji Biiwidiziyin Moshkinebiigan](#) jibwaa Baashkaakodin Giizis 16th, 2019.**



**FEDERAL
INDIAN DAY
SCHOOL
CLASS ACTION**

Gowling WLG, giigidonini owa Maamowi Yaang, gagaanzamaa-aan kina gewe gnimaa age madookdaagwaapa awii nsastamiwaad owi Giizhiikigaadeg Dibmaadiwinin miinwaa ado dibiniweziwinwaa e'nowendaagwog zhiwe.

Woshme gikendamowin temgad odi: <http://www.indiandayschools.com>

Gowling WLG yaawog awii nakwetamowaad gego gagwedwewinan miinwaa awii aasgaabwitwaa-waad Maamowi Yaang Waajii-ejig e'moshkinebiimowaad owi Gagwedwewin Moshkinebiigan.

Giigido Biiwaabkons: 1 (844) 539-3815

Waasamo Asabi Maajibiigan: dayschools@gowlingwlg.com

Onashowe miinwaa inendamowin mina yaawin aasgaabiwitaagewinan temgad gewe Maamowi Yaang Waajii-ejig.

Maamowi Yaang Giigidonini mashkowendam awii aasgaabiwitwaaad Maamowi Yaang Waajii'ejig zhiwe Gagwedwewin Nankiiwin. Maamowi Yaang Waajii-ejig adaa debnaanaa-aa naadmaagewin moshkinebiimowaad ado Gagwedwewin Moshkinebiiganan gaawii gego nangdesinag gnonaawaad Gowling WLG ezhi giigidang odi 1-844-539-3815.

Miinwaa age, Maamowi Yaang Giigidonini megwaa wiiji nakiimaan owa Gagwedwe Dibamaadiwin Naagaanzitang, Deloitte, awii zhisijigaadeg naasowi gikendamowin dibaajimowinan zhiwe odenwinang maampii maziwe kiing. Gikendamowin dibaajimowin mazinigan ada temgad zhiwe Anishinaabe Gabe Giizhig Gikino Amaadiiwiigwam waasamo asabi mazinigan ani daso-anama`e-giizhik.

Inendamowin mina yaawin ginonidiwin miinwaa gichi znagag aasgaabiwitaagewin temgad gewe Maamowi Yaang Waajii-ejig 24 diba igan ensa giizhigag, 7 giizhigag minik zhiwe Bagosendamowin owi Mina Yaawin Giigido Biiwaabkonsing. Gda ginonaa Bagosendamowin owi Mina Yaawin odi 1-855-242-3310 maage ado waasamo asabi enji nibwaachiding odi www.hopeforwellness.ca. Ginondiwin temgad Zhaagnaashiimiwin, Wemtigoshiimiwin, Omashkiigoomowin, Ojibwemowin miinwaa Inuktitut, apii gagwedwewin.

Gikinotamowinan

"Nongo giizhigag, nimaamii kwendamami awii dibaajimowin gwayak doodaagewin agii zhichigaadeg gewe agaa skonwijig odi Gichi Gimaa Anishinaabe Gabe Giizhig Gikono Amaadiiwiigwaaman miinwaa Gichi Gimaa Gabe Giizhig Gikino Amaadiiwiigwaaman. Maanda Giizhiikigaadeg Dibagewin aawan aanjisewin kina gewe agaa wiisgitojig miinwaa yaa-aabi e'wiisgitojig newen nji agaa zhiwebiziwaad, miinwaa ado inodewiziwinwaan agaa zhiwebiziwaad. Ani bimaasewen aawan eni zhaawin awii noojamowing. Maanda giizhiikigaadeg dibagewin, agaa abijitaami nakiwin ne-aab awii debnamang gdo



**FEDERAL
INDIAN DAY
SCHOOL
CLASS ACTION**

inewininan, inaadiziwinan miinwaa izhitwaawinan, onji gdo binoojiiniminaanig miinwaa gdo nooshenhnaanig. Ndo miigwechwaanaa miinwaa minaadenmaanaa Garry McLean niibna agaa miigwed miinwaa niibna nisa biboon agaa nakiitang awii zhiwebag giizhiikigaadeg dibagewin. Aapaji agwa adaa maamiikwendam waabmdang agaa gshkitchigaadeg nongo giizhigad.” - *Roger Augustine, Claudette Commanda, Angela Sampson miinwaa Mariette Buckshot, Lead Plaintiffs*

“Ntam agwa, ndo miigwechiwaa owa Gizhe Manidoo owi mshkowiziiwin miinwaa getinaamendamowin kina gewe agaa naadmaagejig miinwaa agaa aasgaabwitamowaad maanda nankiiwin, miigwetch.” Ndo nisdwinaa Mr. Garry McLean ado zoongidewewin awii maajibideg maanda dikonigewin, owi onashowe nakii gamig agaa nendamowaad awii daapinamwaad maanda dikonigewin apii gaawii gwaya agii dowendizig awii daapinang miinwaa gichi gimaa naagaanzijig gegipii agii noziwinkaadamowaad bezhigwendamowin. Manji agwa minik zhoonyaa gaawii wiikaa adaa naawisijigaadesno banaajitaasowin owi binaajichigewin Gabe Giizhig Gikino Amaadiwiigwaman agaa dodaagwaad gdo bimaadizininanig niibna aanke bimaadiziwaad miinwaa owi wiisgendamowin gagetin e’nakiiwing awii naawitowing. “Amii goweta gaataawing aji naabiimba nowonj dinowaa zhaagnaashii zhichigewinan yaa-aabi gdo naami bagidnigomi awii waabmdamang binaachigewin miinwaa wiisgendamowin, newen e’dagosin binoojiin ganawenjigaazad zhichigewin, onaaknige zhichigewin miinwaa naadowechige zhichigewin.” - *Margaret Swan, Lead Plaintiff*

-30-

Inaajimowin Enakiid:

Anna Milner
647-391-9067
Amilner@argylepr.com

Hailey MacKinnon
647-323-8665
hmackinnon@argylepr.com